

洪範政鑒

洪範政鑒九之上

土行上

傳曰治宮室飾臺榭

鄭康成曰紫臺榭之象

太極曰大

有臺臺顏師古曰內淫亂犯親戚

鄭康成曰太子妃

羣妾同居紫宮內侮父兄

鄭康成曰天子文混

四方大微五帝轉相

則稼穡不成

者為違天中宮之政中宮於地為土性安靜

春夏和蒸秋冬收閉人所用地五穀者無故

稼穡不成其他變異皆屬汙

又曰思心不蕃是謂不聖

鄭康成曰蕃通心明曰聖聖者通也

兼四而明則所謂聖者苞貌言視聽而載之  
以思心者也思心通以待之君思心不通則  
是不能心厥咎霧臣心不明則相蒙冒厥罰  
明其事也常風鄭康成曰思心曰土土主四時主消息  
證皆所以值萬物之氣風亦出內雨陽寒燠之  
性命值氣失故常風厥極凶短折鄭康成曰  
於人為山短折未亂日時則有脂夜之妖鄭  
山未冠日短未昏日折時則有脂夜之妖鄭  
成曰夜讀曰液脂膏所煎之物思心時則有  
曾也此謂變易八珍作新味者也時則有  
牛禍鄭康成曰地厚德載物時則有心腹之  
病鄭康成曰思時則有黃菁黃祥時則有金  
木水火沴土則地動或疑焉今四行來沴土

地乃動。臣下相帥爲亂之象。君不通於事所致也。以爲不寬。暑亦近。皆爲陰陽。臣強之災。

說曰。土中央生萬物者也。其於王者爲內事。官室夫婦親屬亦相生者也。古者天子諸侯宮廟大小高卑有制。后夫人媵妾多少進退有度。九族親疏長幼有序。故禹卑宮室。文王刑于寡妻。此聖人之所以昭教化也。如此則土得其性。若廼奢侈驕慢。則土失其性。有水旱之災。而草木百穀不熟。是爲稼穡不成。思

心者心思慮也。眷寬也。孔子曰：居上不寬，吾何以觀之哉？言上不寬大，包容臣下，則不能居聖位。貌言視聽以心為主，四者皆失，區霧無識，故其咎霧雨旱寒燠，亦以風爲本。四氣皆失，故其罰常風傷物，故其極凶短折傷人。曰凶，禽獸曰短，草木曰折。一日凶，夭也。兄喪弟曰短，父喪子曰折。在人腹中肥而包裹心者脂也。心區霧則冥晦，故有脂夜之妖。一日有脂物而夜爲妖。象也。一日夜妖者，雲風並起而香冥，故與常風同象。溫而風則生螟螣。

有裸蟲之孽

劉向曰於易坤爲土爲牛牛大心而不能思

心氣毀故有牛禍

一日牛多死及爲怪亦是也

及人則多

病心腹者故有心腹之病土色黃故有黃青

黃祥凡思心傷者病土氣土氣病則金木水

火沴之故曰時則有金木水火沴土不言惟

而獨曰時則有者非一行氣所沴明其異大

也其極曰凶短折順之其福曰考終命

土不稼穡

魯莊公二十八年冬大亡麥禾劉向曰水旱

當書不書水旱而曰大亡麥禾者土氣不養

稼穡不成也莊因凶饑一年而三築臺

三十一年

春築臺于郎夏築臺于薛秋築臺于秦此皆飾臺榭之罰也遂

不改寤四年而死禍流二世奢侈之患也

吳孫皓時常歲無水旱苗稼豐美而實不成

百姓以饑闔境皆然連歲不已吳人以爲傷

露非也皓初遷都武昌尋還建鄴又起新館

綴飾珠玉壯麗過甚破壞諸營增廣苑囿犯

暑妨農官私疲怠此脩宮室飾臺榭之罰也  
後齊後主武平四年山東饑時大興土木於  
仙都苑又起宮邯鄲窮侈極麗後宮侍御千  
餘皆寶衣玉食逆中氣之咎也

隋煬帝大業五年燕代齊魯諸郡饑先是建  
立東都制度崇侈宗室諸王多徙邊郡此治  
宮室之罰也

霧常風若

京房曰潛龍勿用衆逆同志至德廼潛厥異



風其風也行不解物不長

顏師古曰不解物謂物逢而不解散

不長所起者近也

雨小而傷政悖德隱茲謂亂厥風

先風不雨大風暴起發屋折木守義不進茲

謂耄厥風與雲俱起折五穀莖臣易上政茲

謂不順厥風大熾發屋

顏師古曰疾風也

賦斂不理

茲謂禍厥風絕經紀

如淳曰謂有所破壞絕正帛之屬南北為經東

西為緯絲因風暴亂不端理也

止即溫溫即蟲侯專封茲謂

不統厥風疾而樹不搖穀不成辟不思專利

茲謂無澤

顏師古曰不思專利示於下而安利之

厥風不搖木旱

無雲傷禾公常於利茲謂亂

顏師古曰常於利謂心常求利

也厥風微而溫生蟲蝗害五穀棄正作淫茲

謂惑厥風溫螟蟲起害有益人之物侯不朝  
茲謂叛厥風無常地變赤而殺人

魯釐公十六年正月六鵠退飛過宋都左丘

明曰風也劉歆曰風發於它所至宋而高鵠

高飛而逢之則退飛傳以實應著言風常風

之罰也象宋襄公區霧自用不容臣下不納

司馬子魚之諫而與強楚爭盟

顏師古曰子魚公子目夷

也。為司馬爭盟。謂為鹿上之盟。後六年為楚  
以求諸侯於楚。子魚諫。公不聽。後六年為楚  
所執。應六鵠之數云。

漢文帝二年六月。淮南王都壽春。大風毀民  
室。殺人。劉向曰。是歲南越反攻淮南邊。淮南  
王長破之。後年入朝。殺漢故相辟陽侯歸聚  
姦人謀叛。自稱東帝。見異不寤。後遷于蜀。  
五年。吳暴風雨。壞城官府民室。時吳王濞謀  
逆。天戒數見不寤。後卒誅滅。  
昭帝元鳳元年。燕王都薊。大風雨。拔宮中樹。

七園以上十六枚壞城樓王旦不寤謀反發覺伏辜

安帝永初元年大風拔樹時鄧后攝政以清河王子年少立爲安帝不立皇太子勝以爲安帝必德鄧氏後安帝親讒廢免鄧氏令郡縣迫切死者八九人家至破壞此爲瞽瞍也延光二年三月河東潁川大風拔樹六月郡國十一大風拔樹時安帝親讒曲直不分之應魏齊王嘉平元年正月朔西北大風發屋折

樹木昏塵蔽天。案管輅說：此執政之憂。時曹  
爽區霧自專，驕僭過度，思心不眷，常風之罰  
也。後踰旬，爽誅。

吳孫權太元元年八月，大風江海涌溢，平地  
水深八尺，拔高陵樹二千株，石碑蹉動。吳城  
兩門飛落，華覈曰：「役繁賦重，區霧不眷之罰。」  
明年權薨。

孫亮建興元年十二月，大風震電，時魏師來  
攻，諸葛恪破其東興軍。明年，恪又攻新城，裴

衆太半還伏誅

孫休永安元年十一月風四轉五復蒙霧連日時孫綝一門五侯權傾吳主風霧之災與漢五侯丁傳同應至十二月又有大風發木揚沙明日綝誅

晉惠帝元康五年四月夜暴風城東渠波浪殺人七月下邳大風壞廬舍九月鴈門新興太原上黨災風傷稼明年氐羌叛大兵西討九年六月颶風吹賈謐朝服飛數百丈明年

謚誅

十一月京都連大風發屋折木後愍懷太子  
廢幽于許昌至明年二月又大風拔木三月  
愍懷被害己卯喪柩發許昌還洛是日又大  
風雷電幃蓋飛裂

永康元年四月張華第舍颶風起折木飛繒  
折軸六七是月華遇害

十一月大風從西北來折木飛沙石六日止  
明年趙王倫篡位

倫相太廟又有災風暴  
起塵四合其年倫伏辜

元帝永昌元年七月大風拔木屋瓦皆飛八月暴風壞屋拔御道柳樹百餘株其風縱橫無常若自八方來者時王敦專權害刁協周顗故風縱橫若非一處也此臣易上政諸侯不朝之罰也十一月宮車晏駕

穆帝升平元年八月立皇后何氏是日疾風後桓靈竇篡位降后爲零陵縣君不肖之罰也孝武寧康元年三月京都大風火大起時桓溫入朝志在陵上帝又幼少懷憂恐不睿之



應也

太元三年六月長安大風拔符堅宮樹其後  
堅再南伐遂有肥水之敗身戮國亡

十三年十二月大風晝晦其後帝晏駕諸侯  
違命權奪於元顯禍成於靈寶是其應也

安帝元興二年二月夜大風雨大航門屋瓦  
飛落明年桓靈寶篡位由此門入

三年正月桓靈寶出遊大航南飄風飛其輶  
輶蓋經三月靈寶敗歸江陵五月江陵又大

風折木。是月靈寶敗於崢嶸洲。身亦屠裂。  
義熙六年五月。大風拔北郊樹。樹幾百年者。  
并吹琅邪揚州。二射堂倒壞。是日。盧循大艦  
漂沒。甲戌。又風發。屋折木。是冬。王師南討。

十年四月。大風拔木。六月。又拔木。七月。淮北  
大風。壞廬舍。明年西討。司馬休之應也。

梁武帝天監六年八月戊戌。大風折木。案占。  
角日疾風。天下昏。不出三月中。兵必起。是歲。  
魏軍入鍾離。

簡文承聖三年十一月。閱武於南城北。風大急。普天昏闇。占曰。人君區霧之應。時帝既平侯景。公卿咸勸回丹陽。帝不從。又多猜忌。故天示變。是歲爲西魏滅。

陳文帝天嘉六年七月。大風起西南。吹倒靈臺候樓。案占。大臣專恣之咎。時太子沖幼。安成王顓專政。帝不時抑損。明年。文帝晏駕。太子嗣位。顓廢之。

後主祥明二年六月。大風自西北。激濤水入。

石頭城淮水暴溢漂沒舟楫時帝任司馬申  
誅戮忠諫專行邪僻江總孔範崇長奢縱杜  
塞聰明皆區霧之咎

後魏明元永興三年二月京師大風是夏昌  
黎王慕容伯兒謀逆誅

大武太延二年四月京師暴風宮牆倒殺數  
人真君元年二月京師黑風亘天廣五丈是  
夏沮渠無諱寇張掖

宣武永平元年四月京師大風拔樹是秋京

北王愉叛命

明帝孝昌二年五月京師暴風拔樹發屋吹平昌門扉壞永寧九層橙時天下大亂之兆後齊武成河清二年大風三旬止天統三年五月又大風晝晦發屋拔樹時帝委政佞臣和士開天再見變明年武成晏駕後主詔内外表奏皆先詣士開然後聞徹又譖趙郡王叡坐死士開尋爲琅邪王儼所誅

天統七年三月大風起西北發屋拔樹五日

乃止。時高阿那瓌駱提婆專恣之應。

隋文帝開皇二十年十一月，京都大風，發屋拔樹，秦隴壓死者千餘人。地大震，鼓皆應。淨刹寺鐘三鳴，佛殿門鎖自開。銅像自出戶外。鐘鼓自鳴者，近鼓妖也。楊雄以爲人君不聰，爲衆所惑，空名得進，則鼓妖見。時獨孤后干預政事，楊素權傾人主，帝聽二人之讒而黜高穎，廢太子勇。晉王鈞虛名而見立，思心霧亂，陰盛之象。鎖及銅像並金也，金動木震之。

木沴金之應

仁壽二年西河有胡人乘騾在道忽爲迴風所  
飄并一車上千餘尺乃墜皆碎後二載漢王諒  
在并州潛謀不軌車及騾騎之象升空而墜顛  
殞之應天戒若曰無妄動車騎終當覆敗而諒  
不悟及文帝晏駕諒發兵衆數十萬月餘而敗  
唐文宗大和九年四月大風舍元殿四鴟吻  
皆落拔殿前樹三壞金吾仗舍發樓觀内外  
城門數千光化門西城牆壞七十步

---

洪範政鑒卷第九之上

---



洪範政鑒卷第九之下

土行上

夜妖

班固曰夜妖者雲風並起而杳冥故與常風

同象

晝而晦冥若夜者陰  
侵陽臣侵君之象

魯釐公十五年九月己卯晦震夷伯之廟

夷伯

司空無駭  
後號展氏劉向以為晦冥也震雷也夷伯世

大夫正晝雷其廟獨冥天戒若曰勿使大夫

世官將專事暝晦明年公子季友卒果世官

政在季氏

成公十六年六月甲午晦正晝皆暝陰爲陽  
臣制君也成公不寤其冬季氏殺公子偃季  
氏萌於釐公大於成公此其應也董仲舒曰  
夷伯季氏之孚孚信也所信任之臣陪臣不當有廟震  
者雷也晦暝雷擊其廟明當絕去僭差之類  
劉向曰此夜妖也劉歆曰春秋及朔言朔及  
晦言晦人道所不及則天震之展氏有隱匿  
故天加誅於其祖夷伯之廟以譴告之

魏高貴鄉公正元二年正月時司馬景王討  
毋丘儉大風晦暝行者皆頓伏近夜妖也  
陳留王景元三年十月京都大震晝晦此夜  
妖也時司馬世官公室卑矣魏見此者晉有  
天下之應

晉懷帝永嘉四年十一月辛卯晝昏至于庚  
子此夜妖也後劉曜寇洛川帝蒙塵于平陽  
孝武太元十三年十二月大風晦暝後孝武  
晏駕諸侯違命干戈內侮有元顯靈寶之禍

梁簡文承聖二年十月丁卯大風晝晦天地  
昏暗夜妖也京房曰羽日風天下昏人大疾  
不然多寇盜三年爲西魏所滅

陳後主祥明三年正月朔雲霧晦暝入臯辛  
酸後主昏昧近夜妖占曰王失中臣下強盛  
以蔽君明則雲陰時北軍臨江柳莊任蠻奴  
並進忠款後主惑孔範之言昏暗不能用以  
至覆敗

魏宣武正始元年六月晝風晦

東魏孝靜武定四年冬大霧六日晝夜不解  
明年元瑾劉思逸謀殺大將軍之應

周宣帝大象二年尉迴敗於相州坑其黨與  
數萬人於遊豫園其處每聞鬼夜哭聲傳曰  
哭者死亡之表近夜妖也鬼而夜哭者將有  
死亡之應明年周氏王公皆見殺周室亦亡  
隋文帝仁壽中仁壽宮及長城下數聞鬼哭  
尋而獻后文帝相次晏駕於仁壽宮  
煬帝大業八年楊元感亂於東都尚書樊子

蓋坑其黨與長夏門外前後數萬泊于末年數聞其處鬼哭有呻吟之聲其後王世充害

越王侗于洛陽

羸蟲之孽

劉向舊以蠶列爲介蟲之孽後之史臣以螟螣類同多附見之

京房曰臣安祿位茲謂貪厥災蟲蟲食根德

無常茲謂煩蟲食葉不絀無德蟲食本與東

作爭茲謂不時蟲食莖蔽惡生孽蟲食心

謂蔽

惡人蔽君之明爲災孽也

又曰蝗蟲四起國多邪人朝無

忠臣蟲與民爭食居位食祿如蟲矣不救致

兵起其救也。舉有道置於位。試明經消其災。  
漢名臣奏曰。蝗者貪擾之氣所生。天意若曰。  
貪狼之人。蠶食百姓。若蝗食稼。擾民。推類叙  
意。皆象羣下貪狼。威教妄施。或苦蝗蟲。宜教  
正衆邪。清審選舉。退屏貪暴。則可致太平。蔡  
邕曰。大作不時。天降災。厥咎蝗蟲來。又曰。帝  
貪則政暴。吏酷酷則誅慘。生蝗蟲。貪苛所致。  
魯隱公五年秋。螟。劉向曰。公觀漁于棠。貪利  
之應也。棠魯地也。劉歆曰。公不納臧釐伯之諫。公

巨諫  
觀漁

貪利區霽以生孽也

桓公五年秋螽

螽即阜螽即今之蝗蟲

劉歆曰貪虐取

民則螽介蟲之孽也是歲取易邑興役起城之應

莊公六年秋螟董仲舒曰先是衛侯朔出奔

齊齊侯會諸侯納朔

朔謂惠公也

許諸侯賂齊人

歸衛寶魯受之貪利應也

二十九年有蜚劉歆曰負蟄也性不食穀食

穀爲災介蟲之孽

蜚音扶味切

劉向曰蜚非中國



所有南越盛暑男女同川澤淫風所生爲蟲  
臭惡是時莊公取齊女爲夫人既入通於兩  
叔故蜚至天戒若曰臭惡聞於四方莊公不  
寤其後夫人與兩叔作亂二嗣以殺二嗣謂子般閔

公卒皆被辜

釐公十五年八月螽劉向曰先是釐有鹹之

會後城緣陵

十三年會齊宋陳衛鄭許曹是

歲復以兵車爲牡丘會三年在外之應

文公三年秋雨螽于宋劉向曰先是宋殺大

夫無罪有暴虐賦斂之應董仲舒曰宋三世

內貳

三世謂襄公成公昭公也內貳於國之大夫

大夫專恣殺生

不中故螽先死而至劉歆曰螽爲穀災卒遇賊陰墜而死

襄公七年八月螽劉向曰先是襄興師救陳滕郟小邾皆來朝夏城費之應

哀公十二年十二月螽劉向曰時春用田賦冬而螽至十三年九月螽十二月螽比三螽虐取於民之效也劉歆曰周十二月夏十月

也。火星既伏，蟄蟲皆畢。天之見變，因物類之宜，不得以益。是歲再失閏矣。

宣公十五年冬，螟生。劉歆曰：螟，蠅蠹之有翼者，食穀爲災。劉向曰：螟，螟始生也。一曰：螟始生，是民患上力役，懈於公田。公是時初稅畝，稅其什一，秦先王制而爲貪利故也。

漢文帝後六年秋，螟。是歲匈奴大入上郡，雲中烽火通長安，遣將屯邊。

武帝元光五年秋，螟。六年夏，蝗。時五將軍衆

三十萬伏馬邑。欲襲單于。又遣四將軍征匈奴之應。

平帝元始二年秋。蝗徧天下。時王莽秉政。貪虐取民之應。

章帝建初七年。郡國螟傷稼。犬牙緣界。不入中牟。魯恭之境。河南遣掾往廉之。俱坐桑下。雉過止其傍。傍有童兒。或問兒何不捕之。兒言雉方將雛。掾起曰。今蟲不犯境。此一異也。化及鳥獸。此二異也。豎子有仁心。此三異也。

是歲嘉禾生恭便坐廷中帝異之

安帝永初四年夏蝗時西羌寇叛軍衆征距

連十餘年之應

識曰主失禮煩苛則旱之魚螺變爲蝗蟲

桓帝永興元年七月郡國三十二蝗時梁冀秉政無謀貪權作虐之應

延熹元年五月京都蝗劉歆曰皆違天時聽不聽之罰養奮曰佞邪以不正食祿饗所致靈帝熹平四年六月洪農三輔螟蟲爲害時帝用曹節讒言禁錮海內清英謂之黨人

明帝永平十八年牛疫死是歲遣竇固征西城置都護戊己校尉固適還而西域叛殺都護陳睦戊己校尉關寵於是大怒欲復發興討會明帝崩是思心不睿也

章帝建初四年冬京都牛大疫時竇皇后以宋貴人子爲太子寵幸令人伺貴人過隙讒毀之章帝不知竇太后不善厭咎竊也或曰是年六月馬太后崩土功非時興故也

魏文帝黃初三年七月冀州大蝗人饑案蔡

邕說蝗者在上貪苛之所致時孫權歸順帝  
因其有西陵之役舉衆襲之權遂叛

晉武帝大康四年會稽彭蜺及蟹皆化爲鼠  
甚衆復食稻爲災九年郡國二十四螟蟲又  
傷秋稼時帝聽讒諛寵任賈充楊駿故有蟲  
螟不絀無德之罰

泰始十年六月蝗時荀賈任政疾害公直所致  
懷帝永嘉四年五月大蝗自幽并司冀至于  
秦雍草木牛馬毛鬣皆盡時天下兵潰漁獵

黔黎存亡所繼。惟司馬越苟晞而已。暴刻無章。故有此孽。

愍帝建興四年六月。大蝗。時劉曜頻攻北地。馮翊麴允悉衆御之。卒爲曜所破。西京遂潰之應。

元帝大興二年。五郡蝗。蟲食秋麥。時吳郡民多餓死。又去年王敦并領荊州。苛暴之聲興矣。梁武帝大同初。大蝗。籬門松柏葉皆盡。京房曰。食祿不益聖化。天視以爲蟲。蟲無益於人。



而食萬物。時公卿皆以虛澹爲美。不親職事。無益食物之應。

後齊文宣天保八年。河北六州河南十二州蝗。畿人皆祭之。帝問丞崔叔瓚。叔瓚曰。土功不時。則蝗爲災。今外築長城。內脩三臺。故致此災。帝怒。毆其頰。擢其髮。役者不止。

十年。幽州大蝗。案占。刑罰暴虐。貪饕不戢。興師動衆。取城脩邑。而失衆心之應。

隋文帝開皇十六年。并州蝗。時秦王俊哀刻。

百姓盛脩邸第獲譴之應

唐太宗正觀二年六月京畿旱蝗食稼帝掇蝗呪之曰人以穀爲命而汝害之是害吾民也百姓有過在予一人汝若通靈但當食我無害吾民即吞之是歲蝗不爲患

明皇開元四年五月山東螟蝗害稼分遣御史捕而埋之汴州刺史倪若水曰蝗是天災自宜脩德即捕獲蝗十四萬石投之汴流德宗興元元年秋關輔大蝗田稼食盡百姓

饑捕蝗爲食。蒸曝颺去。足翅而食之。明年夏。蝗尤甚。自東海西盡河隴。羣飛蔽天。旬日不息。所經之處。草木畜毛靡有孑遺。關輔已東。穀大貴。餓殍枕道。京師大亂。之後。李懷光據河中。諸軍進討。國用罄竭。衣冠之家。多有殍殍者。旱甚。灞水將竭。井皆無水。文宗大和四年六月。天下旱。蝗食田。河南河北田稼都盡。野草樹葉細枝亦盡。

---

洪範政鑒卷第九之下

---

洪範政鑒卷第十之上

土行下

牛禍

魏收曰易坤爲牛坤土也土氣亂則牛爲怪牛禍其象宗廟將滅又曰轉輸煩則牛生禍魯宣公三年郊牛之口傷改卜牛牛死劉向曰近牛禍也時宣公與公子遂謀共殺子赤而立又以喪娶區霭昏暴成於口幸有季文子得免於禍天猶惡之生則不饗其祀死則

災燔其廟

秦孝文王五年，旃胸衍有獻五足牛者。劉向曰：「近牛禍也。」先是，文惠王初都咸陽，廣大宮室，南臨渭，北臨涇，思心失冒，土氣足者止也。戒秦建止奢，秦將致危亡。秦遂不改，至於離宮三百，復起阿房，未成而亡。一曰：牛以力爲人用，足所以行也。其後秦大用民力，轉輸起負海至北邊，天下叛之。時京房曰：興絲役，奔民。漢景帝中六年，梁孝王田北山，有獻牛足上

出背上。劉向曰：近牛禍先是孝王驕奢，起苑方三百里，宮館閣道相連三十餘里，納邪臣羊勝之計，欲求爲漢嗣，刺殺爰盎，事發，負斧旣退歸國，猶有恨心。內則思慮區霧，外則土功過制，故牛禍作，足出於背，下干上之象也。猶不能自解，發疾暴死，又凶短之極也。明帝永平十八年，牛疫死，是歲遣竇固征西域，置郡護戍，已校尉固適還，而西域叛，欲復發興討。會明帝晏駕，思心不眷之咎也。

章帝建初四年冬京都牛大疫時竇皇后以  
宋貴人子爲太子寵幸伺過讒毀章帝不知  
竇太后不善厭咎霽也

晉武帝太康九年幽州塞北有死牛頭語近  
牛禍也時帝多疾深以後事爲念而託付不  
公思稽亂之應也

師曠曰怨讟動於人則有  
非言之物而言京房曰殺

無罪牛  
生妖

惠帝太安中江夏張騁所乘牛言曰天下寇  
賊乘我何之騁懼還犬又言曰歸何早也騁



使卜者卦之曰天下將有兵寇爲禍非止一

家其年張昌叛先略江夏驛爲將亦族滅

京房

曰牛能言如其言占吉凶易萌氣樞曰人君不好士走馬被文繡犬狼食人食則有六畜談

元帝建武元年七月晉陵陳門才牛生犢一

體兩頭案京房占牛生子二首一身天下將

分之象時愍帝蒙塵平陽元帝即位江東天

下分爲二之應

太興元年武昌太守王諒牛生子兩頭八足

兩尾共一腹三年後死又有牛一足三尾皆

生而死案司馬彪說兩頭者政在私門上下  
無別之象京房曰足多者所任邪也足少者不勝任也其後王敦  
不軌之應

四年十二月郊牛死案劉向說春秋郊牛死  
曰宣公區霤昏暴天不饗其祀今元帝中興  
之業實王導之謀而親幸劉隗導見疎外區  
霤不眷之禍

成帝咸和二年五月護軍牛生犢兩頭六足  
是冬蘇峻亂

七年九德人袁榮家牛產犢兩頭八足二尾  
共身相靈寶之國在荊州行至鶴穴逢一老  
公驅青牛形色環異靈寶即以所乘牛易取  
乘至零陵涇溪駿馱非常息駕飲牛牛逕入  
江水不出靈寶遣人覘守經日無所見其後  
靈寶被誅

梁武陵王紀祭城隍神將烹牛忽有赤蛇繞  
牛口牛禍也時紀雖以赴援爲名而實妄自  
尊亢思心之咎神不享君道傷之應果爲元

帝所敗

後魏宣武景明二年冀州長樂郡牛生犢二頭二面二口三目三耳

後齊後主武平二年并州獻五足牛牛禍也案占牛土應宮室之象時帝大發卒於仙都苑穿地築山樓殿華麗功始就而亡國後周建德六年陽武有獸三狀如水牛一黃一赤一黑赤與黑者鬪久之黃者自傍觸之黑者死黃赤俱入于河近牛禍也黑者周所

尚色。周果滅而隋有天下，旗牲尚赤，戎服以黃。隋煬帝大業初，常山有牛四脚，膝上各生一蹄。其後建東都，築長城，開溝洫。

唐德宗正元四年二月，太僕寺郊牛生犢六足，心腹之病。

周景王將鑄無射鐘，泠州鳩曰：

應劭曰：泠官也。州鳩，名也。

王其以心疾死乎？夫天子省風以作樂，小者不窺大者不擻。擻則不審心，是以感感實生疾。今鐘擻矣，王心弗堪，其能久乎？劉向曰：時

景王好聽濫聲，思心區霧，明年以心疾亡，近心腹之病，凶短之極也。

魯叔孫昭子聘于宋，元公與燕飲，酒樂，語相

泣也。

昭子叔孫姑也。

樂祁佐

樂祁宋司城子梁也。

曰：「今茲君與

叔孫其皆死乎？吾聞之，哀樂而樂哀，皆喪心也。心之精爽，是謂魂魄，魂魄去之，何以能久？」是冬，昭子、宋元公並卒。

陳後主祥明三年，隋師臨江，後主從容言曰：「齊兵三來，周師再來，無復摧敗，彼何爲者？孔

範曰：長江天塹，古以爲限，隔南北，北軍豈能飛度邪？臣每患官卑，彼若度來，臣爲太尉矣。後主已不知懼，孔範從而蕩之，天奪其心，曷能不敗？未幾，陳亡，範亦遠徙。

後齊文宣常宴於東山，投杯赫怒，下詔西伐，極陳甲兵之盛，旣而泣曰：「黑衣非我所制，卒不行，識者以帝精魄已奪，知帝祚不永。」後因心疾，耽荒酒色，性忽狂暴而終。

黃胄黃祥

漢昭帝元鳳元年九月燕有黃鼠銜其尾舞  
王宮端門中往視之鼠舞如故王使夫人以  
酒脯祠鼠舞不休夜死黃祥也時燕王旦謀  
反將敗死亡之象未幾發覺伏辜

京房曰誅不原情厥

妖鼠  
舞門

成帝建始元年四月辛丑夜西北有如火光  
壬寅晨大風從西北起雲氣赤黃四塞天下  
終日夜下著地者黃土塵也時帝舅王鳳始  
用事又封鳳弟崇安成侯庶弟五人關內侯



食邑三千戶。哀帝又封外屬丁傳、周、鄭、楊、宣  
六人爲列侯。此殆爵土過制、傷亂土氣之祥  
也。京房曰：「經稱觀其生，言大臣之義當觀賢  
人，知其性行，推而貢之。否則爲聞善不與，茲  
謂不知。」厥異黃、厥咎聲、厥災不嗣。黃者，日上  
黃光不散如火然，有黃濁氣四塞天下，蔽賢  
絕道，故災異絕世。未幾，身慘家絕。

四年九月，長安城南有鼠銜黃蒿柏葉上，民  
冢柏及榆上爲巢。桐柏尤多。

顏師古曰：巢中  
桐柏亭名。

無子、皆有乾鼠、矢數十、時議者以爲恐有水  
災、鼠盜竊小蟲、夜出晝匿、今晝去穴而登木、  
象賤人將居顯貴也、桐柏、衛思后園所在、其  
後趙后自微賤登至尊、與衛同類、趙終無子  
爲害、明年有鳶焚巢殺子之異也、一曰、王莽  
竊位之象、

京房曰、鼠巢、近黃祥也、  
厥妖鼠巢、近黃祥也、

蜀劉備章武二年、東伐、六月、秭歸有黃氣、見  
長十餘里、廣數十丈、後踰旬、備爲陸議所破、  
近黃祥也、

魏齊王正始中王周南爲襄邑長有鼠從穴  
出語曰王周南爾以某日死周南不應鼠還  
穴後至期更冠幘皂衣出語曰周南汝日中  
當死又不應鼠復入穴斯須更出語如向日  
適欲中鼠入須臾復出出復入轉更數語如  
前日適中鼠曰周南汝不應我復何道言絕  
顛蹶死即失衣冠取視如常鼠班固曰此黃  
祥也時曹爽專政競爲比周故鼠作變  
晉惠帝元康四年正月大霧時帝昏眊政非

己出故有區瞽之祆

明帝太寧元年正月黃霧四塞時王敦擅權謀逆之應

穆帝永和七年三月涼州大風拔木黃霧下

塵時張重華納諧出謝艾酒泉所任非其人

踰年死是其應也京房曰聞善不予茲謂有

嗣黃者有黃濁氣四塞天下蔽賢絕道故災至絕世

孝武泰元八年二月黃霧四塞時道子專政

親近佞人朝綱方替之應

安帝元興元年十月朔黃霧昏濁不雨時桓  
靈寶不軌之應

義熙五年十一月大霧時帝室衰微臣下權  
盛兵及土地略非君有之應

梁武帝大同元年天雨土二年天雨灰其色  
黃近黃祥也時帝自以聰明博達惡人勝己  
篤信佛法捨身爲奴絕道蔽賢之罰也

簡文大寶元年正月天雨黃沙二年簡文夢  
九土吞之帝尋爲侯景所廢以土囊壓而斃

諸子遇害不嗣之應也

陳後主時夢黃衣人圍城後主惡之遶城植樹盡伐去及隋受禪上下通服黃衣未幾隋師攻圍之應

後周宣帝大象二年正月天雨黃土移時乃息時帝昏狂滋甚其年晏駕至靜帝遜位絕道不嗣之應

隋文帝開皇二年京師雨土時帝懲周室諸侯微弱以亡天下分封諸子並爲行臺專制

方面失土之應其後諸王各謀不軌又京房占天雨土百姓勞苦無功時營都邑起仁壽宮頽山堙谷丁匠死者太半

唐代宗大曆十三年六月隴右軍士趙貴家貓鼠同乳不相害節度使朱泚籠以獻崔祐甫曰此物之失性也萬物剛柔有性聖人垂訓禮迎貓爲食田鼠也然貓之食鼠載在祀典以其能除害利人今此貓對鼠何異法吏不勤觸邪彊吏不勤扞敵以五行言之恐須

申命憲司察聽貪吏誠諸邊境無失巡邏則  
猶能致功鼠不爲害矣

裸蟲之孽

梁武帝太清元年丹陽莫氏妻生男眼在頂  
上大如兩歲兒墜地言曰兒是旱疫鬼不得  
住母曰汝當令我得過疫鬼曰有上官何得  
自由母可急作絳帽故當無憂母不暇作帽  
以絳繫髮自是旱疫二年楊徐兗豫尤甚莫  
氏鄉隣多以絳免



簡文大寶二年京口人於藏兒年五歲登城  
西南角大樓打鼓作長江柵鼓兵象也時侯  
景擾江南

陳文帝永定三年有人長三丈見羅浮山通  
身絜白衣服楚麗占曰長人見亡後二歲帝  
晏駕後主爲太子時有婦人突入東宮而大  
言曰畢國主後主立而祚終之應

後齊天保中臨漳有婦人產子二頭共體時  
政由姦佞上下無別之應

後主時有桑門貌若狂人見烏則向之禮作見沙門則毆辱之烏周色也未幾齊爲周所吞滅除佛法

後周保定三年有人產子男陰在背上如尾兩足指如獸爪陰不當生於背而生於背者陰陽翻覆君臣俱倒之象人足不當有爪而有者將致攫人之變時宇文護專擅朝政征伐自己陰懷篡弒天戒若曰君臣之分已俱矣將行攫噬帝見變而悟遂誅護親萬機克

平齊國轉禍爲福之效

又武帝時有強練者佯狂持一瓢至宇文護門擊破之曰身尚可子苦矣時護專政因朝太后帝擊殺之發兵捕諸子皆楚毒而死強練又行乞於市人或遺之粟麥以無底甕受之笑曰盛空未幾周滅隋都長安城爲墟矣隋文帝仁壽四年有人長數丈見於應門其迹長四尺五寸其年帝晏駕

煬帝大業元年鴈門人房回安母年百歲額

上生角長二寸婦人陰象也角兵象也下反  
上之應是後天下大潰陰戎圍帝於鴈門  
六年正月旦有盜衣白練裙襦手持香花自  
稱彌勒佛出世入建國門奔衛士仗將爲亂  
齊王暕斬之後三年楊元感引兵圍洛陽戰  
敗伏誅

八年有澄公者若狂人於東都大叫唱賊帝  
聞惡之明年楊元感舉兵圍洛陽  
九年帝在高陽唐縣人宋子賢善爲幻術每

夜樓上有光明能變作佛形自稱彌勒出世  
又挂大鑑堂上紙素上畫爲蛇爲獸及人形  
有人來禮謁者轉側其鑑遣觀來生形像或  
映見紙上蛇形子賢輒云此罪業也又令禮  
謁乃轉人形示之遠近惑信日數千人遂謀  
作亂爲無遮佛會因舉兵欲襲擊乘輿事泄  
以兵捕之夜至其所遶其所居但見火坑兵  
不敢進擒斬之後復有桑門向海明於扶風  
自稱彌勒佛出世潛謀不軌人有歸心者輒

獲吉夢、由是人皆惑之。三輔翕然稱爲大聖。  
因舉兵反。衆至數萬。官軍擊破之。京房曰：妖  
言動衆，茲謂不信。路無人行，不出三年起兵。  
自是天下寇賊。

洪範政鑒卷第十之上

洪範政鑒卷第十之下

土行下 金木水火土

地震

周幽王二年周三川皆震太史伯陽甫曰周將亡矣天地之氣不過其序若過其序民亂之也陽伏而不能出陰迫而不能升於是有一地震今三川震是陽失其所而填陰也陽失而在陰原必塞原塞國必亡夫國必依山川山摧川竭亡之兆也若國亡不過十年數之

紀也。是歲三川竭。岐山摧。劉向曰：陽失在陰者，謂火氣來煎枯木，故川竭也。山川連體，下竭上摧，事勢然也。時幽王暴虐，妄誅伐，不聽諫，迷於褒姒，廢其正后，后父申侯與犬戎共攻殺幽王。

京房曰：君臣相背，厥異名水絕。

魯文公九年九月地震。劉向曰：先是齊桓晉文、魯釐二霸賢君新沒，周襄王失道，楚穆王殺父，諸侯皆不肖，權傾於下，天戒若曰：「臣下強盛者，將動為害。」後宋魯晉莒鄭陳齊皆殺



君京房曰於木則搖於屋則瓦落大經其震於水則波  
茲謂陰動厥震搖山山出涌水嗣子無德專祿茲謂不陰  
順厥震動丘陵涌水出劉向曰  
臣下強盛將動而為害之應

襄公十六年五月甲子地震劉向曰先是雞  
澤之會諸侯盟大夫又盟是歲三月諸侯為  
湟梁之會而大夫獨相與盟五月地震矣其  
後崔氏專齊藥盈叛晉良霄傾鄭閻殺吳子  
燕逐其君楚滅陳蔡

昭公十九年五月己卯地震劉向曰時季氏

將有逐君之變其後宋三臣曹會皆以地叛

宋華亥向寧華定出奔蔡莒逐其君吳敗中

陳曹會大夫公孫會也蔡莒逐其君吳敗中

國殺二君蔡侯朱朱出奔楚二十三年莒人

逐其君庚與奔魯又吳敗頓胡沈蔡陳

許之師于難父胡子翫沈子逞滅是也

二十三年八月乙未地震劉向曰時周景王

晏駕劉單立王子猛尹氏立子朝魯季氏逐

昭公黑肱叛邾黑肱邾吳殺其君僚宋五大

夫晉二大夫皆以地叛暨仲它石彊出奔陳

十一年春辰及仲它石彊公子地自陳入于

晉以叛秋宋樂大心自曹入于莒十三年晉

荀寅士吉射  
入朝歌以叛

哀公三年四月甲午地震劉向曰時諸侯皆

信邪臣莫能用仲尼盜殺蔡侯齊陳乞弑君

哀四年盜殺蔡侯申  
陳乞齊大夫陳僖子

漢宣帝本始四年四月郡國四十九地震或

山摧水出北海琅邪壞祖宗廟城郭殺六千

餘人詔郡國舉賢良方正大赦天下上素服

避正殿五日

元帝初元二年二月地震隴西郡毀落太上

皇廟殿壁木飾壞敗。縣道縣城郭官寺及民室屋壓殺人衆。山摧地裂。水泉涌出。

光武建武二十二年九月。郡國四十二地震。南陽尤甚。地裂壓殺人。其後武谿蠻爲寇。遣將軍劉尚擊之。爲夷所沒。

章帝建初元年三月。山陽東平地震。

和帝永元四年六月。郡國十三地震。春秋漢舍孳曰。女主盛。臣制命。則地動。圻畔震起。山摧淪。時竇后攝政。兄憲專權。後五日。詔捕憲。

黨郭璜等收憲大將軍印綬就國到自殺  
五年二月隴西地震案民安土者也將大動  
行大震是秋發邊郡兵討匈奴之應

七年九月京師地震時帝與中常侍謀奪竇  
氏權因任用之應

安帝永初元年十二月郡國十八地震李固  
曰地者陰也法當安靜今乃越陰職專陽政  
故應以變時鄧后攝政專事陰類並勝西羌  
猾夏連十餘年

建光元年九月郡國三十五地震或圯裂壞城郭屋壓殺人時帝不能明察信宮人讒破鄧后家中人用權之應

三年京都郡國三十三地震時廢太子又以讒免太尉楊震之應

四年十月京師郡國十六地震時閭后攝政弟兄用事斥安帝之應

順帝延光三年十一月丁巳京師及郡國十六地震是夜孫程等迎濟陰王於德陽殿西

鐘下即帝位之變

永建三年正月京師地震漢陽地陷裂屋壞  
殺人地坼涌水時帝阿母中人用權之應

陽嘉二年四月京師地震時爵號阿母宋娥  
山陽君之應

永嘉二年四月又震未幾宋娥構姦誣固得罪  
其年十一月京師地震王龔曰此中人弄權  
之應

三年二月京都金城隴西地震裂城郭室屋

多壞壓殺人。是冬，西羌入金城塞，爲邊害。

建康元年正月辛丑，詔隴西、漢陽、張掖、北地、武威、武都自去年九月已來地百八十震，山谷坼裂，壞敗城寺，殺害民庶。時順帝棄代，梁后攝政，欲爲順帝作陵，制度奢廣，多壞吏民冢。藥巴奏諫，收下獄，將殺之。丙午，地又震。梁后乃出巴爲庶人。

桓帝建和元年九月，京師地震。時梁后攝政，兄冀秉權之應。



永興二年二月京師地震詔興服制度有踰  
侈長飾者皆損省

延熹五年五月京都地震時帝與單超謀誅  
梁冀用事之應

靈帝建寧四年二月地震光和元年四月又  
震時中人專恣之應

魏明帝景初元年六月京都地震是秋吳將  
朱然圍江夏荊州胡質擊退之又公孫文懿  
自立爲燕王討平之

吳孫權赤烏二年正月地再震時呂壹專事步騭曰伏聞校事求瑕陷人成其威福無罪無辜橫受重刑雖有大臣不見信任如此則地連震動臣下專政之應壹後卒敗

赤烏十一年二月江東地仍震權聽讒黜朱據廢太子之應

魏齊王正始二年十一月三年七月六年二月南安郡並地震時曹爽專政遷太后于永寧宮太后與帝泣別故連年震

蜀劉禪炎興元年蜀地震時黃皓專權之應  
晉武帝泰始五年四月地震是冬新平氐羌  
叛之應

太熙元年正月地震自咸寧後至是郡國京

世始於賈充終於楊駿阿黨昧利苟竊  
朝權至於末年所任轉弊故頻年地震

惠帝元康元年十二月京都地震是夏賈后

殺汝南王亮太保衛瓘北陰盛陽微之應

四年京都地震蜀郡山移淮南壽春洪水出

山摧地陷壞城府時賈后亂朝禍敗之應京房

曰小人剥廬廐妖山摧茲謂陰乘陽弱勝強又陰背陽則地裂父子分離夷先叛去

太安元年十二月地震時齊王囧專政之應

二年十二月又震亦長沙王乂專政之應

懷帝永嘉四年四月兗州地震時石勒寇汲

郡執太守遂南濟沔之應

愍帝建興二年四月三年六月長安地再震

時四方兵亂之應

元帝太興元年西平廬陵豫章武昌地震山

摧水涌干寶曰王敦犯上之應

成帝咸和二年江陵益豫二州地震是歲蘇峻作亂

穆帝永和四年六月地震時母后稱制政在臣下故連年震

哀帝隆和元年四月地震時政在將相之應海西公太和元年二月涼州地震水涌時海西將廢之應

孝武二年二月地震山摧時權在將相陰盛之應

太元十二年六月地震其後緣河諸將連歲  
兵役人勞之應

十七年六月十二月地再震時羣小弄權之應  
安帝隆安四年四月九月地再震時政在臣  
下之應

後魏孝文太和元年四月京師地震五月統  
萬鎮又震聲如雷閏月秦州又震隱隱有聲  
三年雍州氏叛

宣武景明四年六月十二月秦州地再震後

二年秦州民王智叛推秦州主簿呂苟兒爲主  
延昌元年四月京師及并朔相冀定瀛六州  
地震棣州鴈門震陷裂山圯泉涌殺五十人  
牛馬雜畜死者三千餘皆爾朱榮擅權之應  
至三年棣州又震不止

宋文帝元嘉七年四月地震時遣軍經略司  
究之應

孝武大明六年七月地震有聲自河北魯郡  
山摧地動壞城女牆四百八十丈墜落屋倒

兗州地裂泉涌三年不已其後虜主死兗州刺史夏侯祖權卒

梁武帝天監五年十一月京師地震案占臣下盛將動而爲害地動以下十一月者其邑饑亡時交州刺史李凱舉兵反明年霜歲儉人饑

普通三年正月建康地震時義州刺史文英以州叛

六年十二月地震案占地冬動有音以十二



月者其邑有行兵時帝令豫章王琮將兵北伐之應

中大通五年正月建康地震案占地以春動歲不昌是歲大水民饑

大同三年十一月建康地震案占地震以十一月邑有大喪及饑亡明年霜災民饑七年

九年皆地震即會稽賊起及交州李贲僭叛之應

太清三年四月建康地震時侯景擾亂帝以憂憤晏駕

陳後主祥明元年正月地震時施文慶沈客卿專恣之應

東魏武定二年十一月西河地陷而且然時

齊神武作宰侯景擅河南後二歲神武亡景

亦敗亡

京房曰地自陷其君亡祖暅曰火陽精也地陰主也地然越陰之道行陽

之政目下擅恐終以自害

後周建德二年涼州地頻震城郭多壞地裂出泉窠占地分裂羌夷叛時吐谷渾頻寇河西之應

隋文帝開皇十四年五月京師地震案占地  
動以五月人流亡是歲關中饑

仁壽二年四月岷雍地震案占地動以四月  
五穀不熟人大饑

唐高宗永徽元年四月晉州地震屢震張行成  
曰天陽君象地陰臣象君宜轉動臣宜安靜  
今晉州地震臣恐女謁用事大臣陰謀且晉  
州陛下本封尤彰其應

德宗正元三年十一月夜京師地震三巢鳥

皆驚

正元四年正月朔御舍元殿受朝賀質明殿  
階及欄檻三十餘間無故自壞甲士死者十  
餘人其夜京師地震帝曰此朕寡德所致時  
金房州震尤甚江溢山裂屋室多壞

憲宗元和七年八月京師地震草樹皆搖  
後唐明宗長興二年六月太原地震凡三日  
左補闕李詳曰陛下中興唐祚起自晉陽聖  
明御宇于今六年恐陛下忘創業艱難之時

有矜薄之意望罷不急之務帝嘉之  
地裂

安帝元初六年二月京都郡國地裂涌水敗  
壞城郭民室屋壓人蓋陰盛也

和帝永元七年趙國易陽地裂京房曰地裂  
者臣下分離不肯相從時南單于衆乖離漢  
軍追討之應

元興元年五月右扶風雍地裂其後西羌大  
寇涼州

安帝元初元年三月日南地坼長百八十二里其後蒼梧鬱林合浦羣盜劫略民吏之應順帝陽嘉二年六月雒陽宣德亭地坼長八十五丈近郊地李固曰陰類專恣將有分離之象所以附郊城者上帝示象以戒陛下時宋娥用權分爭又梁商張遼爭權之應桓帝建和元年四月郡國六地裂水涌出井溢壞寺屋時梁后攝政兄冀枉殺李固杜喬之應

永壽三年七月河東地裂亦梁冀秉政之應。

永康元年五月雒陽高平永壽亭上黨泣

工音

切綠氏地裂時朝臣患王甫等專恣謀誅之應。

靈帝建寧四年五月河東地裂十二處裂長

十里百七十步廣者三十餘步深不見底

晉惠帝元康四年六月壽春上庸並地裂人

家陷死八月居庸地裂廣三十六丈長八十

四丈水出大饑皆賈后專政之應

懷帝永嘉三年七月當陽地裂

京房曰陰背陽則地裂父

子分離、夷羌叛去、其後司馬越  
荀晞、交惡、四方離散、王室遂亡

後周武成建德二年涼州地裂出泉時吐谷  
渾頻寇河西之應

地陷

晉武帝太康五年五月宣帝廟地陷梁折八  
年正月太廟殿又陷改作廟築基及泉天戒  
若曰地陷者分離之象明年武帝晏駕王室  
遂隳

八年七月大雨殿前地陷方五尺深數丈中



有破舡皆土失其性之應

惠帝元康四年五月淮南壽春地陷方三十丈壞城府殺人。是時賈后專政禍敗之應

九年六月夜暴雷雨賈謐齋屋柱陷入地壓謐牀帳。此土失其性不能載也。明年謐誅

懷帝永嘉元年三月洛陽東北步廣里地陷地然

晉惠帝光熙元年五月范陽國地然。可以蹙此火冷土也。時禮樂征伐自諸侯出。故有此變。

東魏孝靜武定二年十一月西河地然祖暄  
曰火陽精也地陰主也地然越陰道行陽政  
臣下擅恣終以自害時齊神武作宰侯景擅  
河南後二歲神武晏駕景亦敗亡

山圯

魯釐公十四年八月沙麓圯穀梁赤曰林屬  
於山曰麓劉向曰臣下背叛散落不事上之  
象先是齊桓行霸道會諸侯事周室管仲既  
死桓德日衰天戒若曰霸道將廢諸侯散落

政逮大夫陪臣執命臣下不事上矣桓公不  
寤天子蔽晦及齊桓死天下散而從楚王札  
子殺二大夫晉敗天子之師莫能征討從是  
陵遲公羊高曰沙麓河上邑也董仲舒曰河  
大川象齊大國桓德衰霸道將移於晉文故  
河徙左丘明曰沙麓晉地沙山名地震而麓  
圯不書震舉重者也伯陽甫所謂國必依山  
川山圯川竭亡之兆也不過十年數之紀也  
至二十四年晉懷公殺於高梁

京房曰小山  
剝廬厥妖

圯茲謂陰乘  
陽弱勝強

成公五年夏梁山圯穀梁赤曰壑河三日不  
流晉君帥羣臣而哭之廼流劉向曰山陽君  
也水陰民也天戒若曰君道圯壞下亂百姓  
將失其所哭然後流喪亡象也梁山在晉地  
自晉始而及天下也後晉暴殺三卿厲公以  
弑溴梁之會天下大夫皆執國政其後孫寗  
出獻公孫林父寗殖皆衛大夫衛獻公名衎  
圯二子慈作三家逐魯昭單尹擾王室劉歆  
圯二子慈作遂出奔秦

曰梁山晉望也。圯摧也。古者三代命祀祭不越望。吉凶禍福不是過也。國主山川山摧川竭亡之兆也。美惡周必復是歲歲在鶉火至十七年復在鶉火。藥書中行偃殺厲公而立悼公。

漢高后二年正月武都山摧殺七百六十人地震至八月乃止。

文帝元年四月齊楚地山二十九所同日俱大發水潰出。劉向曰近水沴土也。天戒若曰。

勿盛齊楚之君今失制度將爲悖後十六年

齊王則薨無子分齊地立悼惠王庶子六人

皆爲王

齊孝王將閭濟北王志菑川王賢膠東王雄渠膠西王卬濟南王辟光

賈誼晁錯諫以爲違古制恐爲悖景帝三年

七國起兵百餘萬漢皆破之

成帝元延三年正月蜀郡岷山摧壅江江水

退流三日乃通劉向曰周時岐山摧三川竭

而幽王亡岐山者周所興也漢家本起於蜀

今所起之地山摧川竭殆必亡矣其後三世

亡嗣王莽篡位

和帝永元元年七月會稽南山圯會稽南方  
大名山也京房曰山圯陰乘陽弱勝強也劉  
向曰山陽君也水陰民也君道圯壞百姓失  
所劉歆曰圯猶地也時竇后攝政兄憲專權  
之應

十二年夏閏四月南郡秭歸山高四百丈圯  
填谿殺百餘人明年冬至蠻夷叛遣使擊之  
殤帝延平元年五月河東常山圯是鄧后專

政之應

安帝延光四年十月丙午蜀郡越嵩山圮殺  
四百餘人其日天子會日也時閭后攝政十  
一月孫程等殺江京立順帝誅閭后兄弟明  
年閭后亡

桓帝永興二年六月東海朐山圮其冬太山  
琅邪盜賊羣起之應

延熹三年五月漢中山圮時單超用事之應  
魏文帝咸熙二年二月太行山圮此魏亡之



北其冬晉有天下

吳孫權赤烏十三年八月丹陽句容及故鄣  
寧國諸山北鴻水溢天戒若曰君道北壞百  
姓將失其所三代命祀祭不越望吉凶禍福  
不是過也吳雖稱帝其實列國災發丹陽其  
天意矣殆北亡之兆後二年權薨又二十六  
年吳亡

晉武帝泰始四年七月泰山摧墜三里案占  
聖王受命人君虜後帝晏駕而祿去王室惠

皇懷弱懷，愍俱辱虜庭，淪骨於北。元帝中興之應。

成帝咸和四年十月，柴桑廬山西北崖北，是冬，劉嗣爲郭默所殺。

南齊高帝建元二年夏，廬陵石陽縣長溪水擊山麓北，長六七丈，得柱千餘，皆十圍，題有古文，不可識。王儉曰：江東不開隸書，此秦漢時柱也。四年，帝晏駕，蓋世變之象。

武帝永明二年秋，始興曲江縣山北壅溪水。

成陂占曰山秋圯人主惡之

後魏太武太延四年華山圯占曰山岳配天  
猶諸侯之係天子山圯諸侯有亡者沮渠牧  
犍將滅之應

宣武景明元年五月齊州太陰山圯飛泉涌  
出殺百五十九人

延昌三年八月太山圯積石涌泉十七處寒  
此山帝王告成封禪之地泉涌山圯是陽黜  
陰盛天意若曰當有自齊而興受禪讓者齊

代魏之應

隋文帝仁壽三年梁州就谷山摧案占山摧  
散落背叛不事上之類也梁州爲漢地明年  
漢王諒舉兵

煬帝大業七年砥柱山摧壅河逆流數十里  
時帝興遼東之師百姓不堪其役四海怨叛  
帝不悟卒亡

唐高祖武德六年七月雋州山圯川水咽流  
太宗正觀八年七月隴右山圯虞世南曰春

秋國主山川故山圯川竭君爲之不舉樂降  
服出次祝幣以禮焉惟脩德可以消變帝然之  
山徙

唐則天永昌中華州敷水西南坡白晝飛四  
五里直抵赤水坡上草樹無損時新豐露臺  
鄉因大風雨電震有山踊出高二百尺池周  
三頃中有龍鳳之形則天以爲休證名爲慶  
山俞文俊曰地氣不和則堆阜出陸下以女  
主居陽位變易剛柔故地氣隔塞山變爲災

則天怒流于嶺南

肅宗乾元二年六月，虢州閿鄉縣女媧墓先因大雨晦冥失所在。至是河濱聞風雨聲，曉見其墓踊出，上有雙柳，各長丈餘，下有巨石，號風陵堆。

德宗建中初，魏州魏縣西土忽長，高四五尺。明年田悅叛，命悅壘正在土長之所，山鳴。

漢獻帝建安七年，長沙醴陵縣有大山，常鳴。

如牛响聲積數年後豫章賊攻沒醴陵謝語  
像日山亡北川閉塞漂淪移山鼓哭間衡夷輔  
庶祭台兵王作時天下尚亂葦築並爭三雄  
參分天下荆州於時戰爭四分  
五裂之地為劇故山鳴示異

洪範政鑒卷第十之下